



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri Danielis Huetii Demonstratio Evangelica**

**Huet, Pierre Daniel**

**Parisiis, 1679**

XII. Theopompi, & Theodectis,

**urn:nbn:de:hbz:466:1-16260**

## PROPOSITIO IV.

XI. Mosaicarum quoque sententiarum aura aliqua afflatum fuisse Socratem sensisse videntur Aristobulus apud Eusebiūm, & Clemens Alexandrinus. Ipse vero Socrates in Phædro Platoni, Theuth Ægyptium plurimarum rerum inventorem prædicat. Theuth autem Moſem esse docebitus.

XII. Hic sibi locum postulant, quæ de Theopompo, & Theodecete dicta à Demetrio Phalereo referunt Aristeas, & Josephus: hunc nempe oculorum, illum mentis usu fuisse divinitus orbatum, quod nonnulla de sacris Voluminibus delibata scriptioribus suis intexuissent; ac agnito demum & emendato errore fuisse utrumque sanitati restitutum.

XIII. Ægyptios quoque Hierophantas adiit Plato, & Sechnuphidi præcipue Heliopolita in disciplinam se tradidit. Illie etiam ex Columnis Mercurii Philosophiam arripuit, itidem ut Pythagoras, & Eudoxus, quemadmodum testatur Iamblichus in libro De mysteriis. De quibus Columnis quid sentiam mox explicabo. Narrat præterea Aristobulus Peripateticus partem aliquam Scripturae sacræ ante Senum Septuaginta atatem, ipsiusque adeo Alexandri expeditionem, in Græcam linguam fuisse conversam, atque inde pleraque Platonem hauiisse. Inde Numerius Pythagoreus Platonem nihil aliud esse dixit, quam Moſem Atticisantem. Quapropter libros Moſis involuisse Platonem uno ore arguant Josephus, Justinus, Clemens, Theodoreus, & alii. Persuasum etiam aliquando fuit Augustino, Ieremiæ Prophetæ consuetudine usum fuisse Platonem, dum esset in Ægypto; sed rationibus temporum accurati subduxit eam demum opinionem repudiavit. Certum tamen est, cum in Ægyptum appulit Plato, maximum illic tum fuisse Judeorum numerum, ex iis videlicet progenitorum, quos una cum Ieremia traduxerat illuc Johanan, post interficendum ab Ismaele Godoliam, tum & eorum, qui regionis vicinitate, aliive cauissi invitati, illuc migraverant.

Verum etiamsi alia nos indicia destituerent, vel sola Platonicae doctrinae cum Mosaicâ consensio, alterius ab altera propagationem ostenderet. Res abiret in immensum, si singula persequeretur: præcipua duntaxat delibabo quadam, unde documentum de reliquis sumi possit. De mundi primum opificio ita differit Plato in Timœ, & Timæus ipse Locrus, ut Moſem pene ipsum differentem putet: nam & Deum supremum rerum opificem agnoscent, & mundum ab eo creatum ad exemplar, sive ideam aeternam in mente ejus exprimam. Mundi materiam ἀερὸν τιχεῖον & aeternam statuisse Platonem ex illis Moſis verbis: *Terra autem erat inanis & vacua*, contendunt Interpretes plerique, & Justinus in Paræsi, quasi inanem illam terram, aliam esse crediderit, quam quæ priore Geneos versu à Deo creata dicitur. Certe ἀερὸν illam appellat Plato, & οὐσία τοῦ νέου Υἱοῦ. Existentem priusquam omnia fierent. In commodum sensum trahunt id Platonicæ quidam, & Christianis dogmatis accommodant, materiam dicentes, itidem ut ideam, in Dei decreto aeternam speciemesse Platonem. Verum satis illi, & ex Theogonia Hesiodi, & ex Pythagoreorum, ex Anaxagoræ, ex Stoicorum, ac deinde Valentinianorum, & Marcionistarum consentiente cum Platonis decretis doctrina refelluntur. Finem hunc sibi, cum mundum crearet, proposuisse Deum ait Plato, ut optimum opus, & bonitatis sua participes conderet; quod postquam perfectum vidit, mirifice esse delecatum: nempe à Moſe accepatur, Deum opera sua, postquam creata sunt, probasse: *Viditque Deus, inquit Moſes, cuncta que fecerat, & erant valde bona*. Astra ad determinanda temporis spatia, condidisse Deum dixit Plato, juxta Moſis effata, verbis etiam ejus usurpati. Deum res verbo creasse pronuntiat ἀντλεῖαι in Timœ. Itaque universitatem rerum creatam a Deo & conservatam cum animo consideraret ipse, & Socrates, & Pythagoras, Dei vocem audire sibi videbantur: ut dixisset illos tradidisse Aristobulus apud Eusebiūm, & Clemens Alexandrinus: quippe legerant apud Moſem verbo Deum res condidisse: *Dixitque Deus, Fiat lux, & facta est lux*. Hominem partim à Deo, partim à Dei ministris ipsius iustu creatum esse docuit Plato in Timœ. Idem hominem Dei simulacrum esse à Moſe acceptum tradidit. Paradisum voluptatis à Moſe descriptum refert Jovis hortus Platonis commemoratus, ut notatum est ab Eusebio. Sed & Serpentis historiam expressit allegorice. Primorum hominum vitam ita descripsit, ut Adami & Evæ vitam possis agnoscere: & Diluvii meminit: & *ρουθεῖας* suam condere exorsus, eundem narrationis ordinem tenuit, quem Moſes est persecutus. Servitutem à Grecis lege sua prohibuit, quemadmodum ab Ebrais Moſes, septimo ipsis anno in libertatem restituens, si qui fuissent servituti mancipati: *ηπὶ δὲ Κεζιὼν ὅδης ἰδεῖσθεντο. Ebr. eorum enim nullus serviebat*: inquit Josephus. De restitutione rerum furto subreptarum, & nocturni furis cæde, & bove cornuferente, paria fere utrique placuerunt. Rempublicam suam in duodecim tribus, perinde ut Israëlitam, discretam esse voluit Plato. Ideas suas quemadmodum à

Plat. Tim.  
Gen. 1. 31.

Aristob. apud Euseb. Prep. Evang. libr. 13. Clem. Alex. Strom. 5. Gen. 1. 3. Plat. libr. 3. de Leg. & Tim. Euseb. Prep. libr. 12.

Joseph. Antiq. libr. 8. cap. 2.